

**V E N D I M**  
**Nr.543, datë 24.11.1999**

**PËR DISA SHTESA DHE NDRYSHIME NË VENDIMIN E KËSHILLIT TË  
MINISTRAVE NR 205, DATË 13.3.1999 “PËR DISPOZITAT ZBATUESE  
TË KODIT DOGANOR”**

Në mbështetje të nenit 100 të Kushtetutës, të ligjit nr. 8449, datë 27.1.1999, “Për Kodin Doganor të Republikës së Shqipërisë” dhe të ligjit nr.8473, datë 14.9.1999 “Për disa ndryshime në ligjin nr.8449, datë 27.1.1999 “Për Kodin Doganor të Republikës së Shqipërisë””, me propozimin e Ministrisë së Financave, Këshilli i Ministrave

**V E N D O S I:**

Në vendimin e Këshillit të Ministrave nr.205, datë 13.3.1999 bëhen këto shtesa dhe ndryshime:

1. Në pikën 11.2, në fund të fjalisë së parë, fjalët “me përjashtim të kategorisë A”, shfuqizohen. Po ashtu edhe në fjalinë e dytë, pas fjalëve “në përputhje me nenin 14 (2) të Kodit”, si dhe fjalët “dhe procedurat e përcaktuara në pikën 11”, shfuqizohen.

2. Në pikën 11.6, në fund të fjalisë së parë shtohen fjalët “ dhe në raste të veçanta që gjykohen nga drejtori i përgjithshëm i doganave, janë të hapura dhe për zyrtarë të shërbimit publik të kategorive të barasvlefshme me kategorinë B, të administratës doganore”.

3. Në aneksin 1, në përputhje me pjesën II, titulli I, kreu 3, neni 1 për të gjitha kategoritë e punonjësve, veç kategorisë D “Kriteret e arsimimit”, fjalët “diplomë universitare në shkencat ekonomike, juridike ose natyrore”, ndryshohen dhe zëvendësohen me fjalët “diplomë universitare në shkencat ekonomike, juridike dhe të profileve të tjera, sipas kërkesave të vendit të punës”.

4. Në pikën 11.11, në fjalinë e dytë, pas fjalëve “dy zyrtarë të kategorisë B”, si dhe fjalët “duke ndjekur procedurat e përshkruara në pikën 11.10”, shfuqizohen.

Ky vendim hyn në fuqi menjëherë.

**KRYEMINISTRI**  
**Ilir Meta**